



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-559-6/23**
Datum: **09.02.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «MAK GASTRO» d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta za preradu mesa u naselju Čekrekčije, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «MAK GASTRO» d.o.o. Visoko daje se vodna dozvola za ispuštanje tehnoloških otpadnih voda u prirodni recipijent sa lokacije objekta za preradu mesa u naselju Čekrekčije, izgrađenog na zemljištu označenom kao k.č. broj: 596/1 K.O. Čekrčici, grad Visoko.
2. Ova vodna dozvola se odnosi isključivo za ispuštanje tehnoloških otpadnih voda u prirodni recipijent sa lokacije objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina, ukoliko je kantonalnim propisom prenesena nadležnost na grad, shodno stavu (3) istog člana zakona.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 28.02.2025. godine završe radovi na zamjeni postojećeg separatora masti, odnosno ugradnji separatora masti projektovanog kapaciteta, a sve prema urađenoj investiciono-tehničkoj dokumentaciji „Izvedbeni projekat vanjskih hidroinstalacija-poslovni objekat prerada mesa šifra: 106.VD.PER.XI/23, novembar 2023., urađen od «PERSPEKTIVA-INŽENJERING» d.o.o. Visoko”, kako slijedi:

R. broj	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1	Planirana istraživanja	-	31.03.2024.
2	Traženje ponuda	-	30.06.2024.
3	Odabir ponude	6.000,00 KM	31.07.2024.
4	Procijenjeni rok isporuke	-	31.10.2024
5	Radovi instaliranja	4.000,00 KM	31.12.2024.
6	Puštanje u rad	-	28.02.2025.

- 3.3. Da korisnik predmetnog objekta, za vrijeme trajanja ove dozvole obezbjeđuje da se tehnološke otpadne vode koje nastaju pranjem opreme, pribora, podova i radnih površina nesmetano sakupljaju i odvođe do objekta predviđenog za tretman onečišćenih voda (taložnik i separator masti), a zatim ovako tretirane vode ispuštaju, preko okna za monitoring, u rijeku Bosnu.

- 3.4. Prečišćene tehnološke vode moraju ostati u maksimalno dopuštenim granicama definiranim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.5. Objekte čija je svrha odvođenje i prečišćavanje tehnoloških otpadnih voda (separator masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
- 3.6. Čišćenje i pražnjenje uređaja za tretman otpadnih voda, odnosno taložnika i separatora masti može vršiti isključivo firma ovlaštena za tu vrstu djelatnosti, prema posebnom ugovoru.
- 3.7. Korisnik je obavezan da redovno vodi dnevnik o pražnjenju i odvozu sadržaja separatora masti i izdvojenom talogu iz separatora masti.
- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.11. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada predmetnog objekta, u vodotoke i obale rijeka.
- 3.12. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.

13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «MAK GASTRO» d.o.o. Visoko, dana 11.12.2023., podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokacije objekta za preradu mesa u naselju Čekrekčije, izgrađenog na zemljištu označenom kao k.č. broj: 596/1 K.O. Čekrčici, grad Visoko.

U provedenom postupku dostavljena je i pregledana sljedeća dokumentacija:

- Punomoć broj: 01-12/23 od 01.12.2023.
- Ovjerena kopija Rješenja o izmjenama podataka broj: 043-0-Reg-21-000056 od 18.01.2021. izdatog od Općinskog suda u Zenici,
- Ovjerena kopija Uvjerenja o registraciji poreznog obveznika od 23.10.2019. izdatog od Porezne uprave Federacije BiH – Kantonalni porezni ured Zenica,
- Dokaz o uplaćenju upravnoj taksi,
- Ovjerena kopija Rješenja o ispunjavanju propisanih veterinarsko-zdravstvenih uslova broj: 05-20-4066-2/23 od 03.05.2023. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Ovjerena Kopija Rješenja o izmjeni Rješenja o ispunjavanju propisanih veterinarsko-zdravstvenih uslova broj: 05-20-4066-2/23 od 03.05.2023. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o odobrenju za upotrebu izgrađenog poslovnog objekta broj: 03/1-23-4-15/19 od 07.06.2019. izdatog od Službe za urbanizam, stambene, geodetske poslove i katastar nekretnina Grada Visoko,
- Kopija Rješenja o odobrenju za upotrebu izgrađene dogradnje broj: 03/1-19-4-39/21 od 26.08.2021. izdatog od Službe za urbanizam, stambene, geodetske poslove i katastar nekretnina Grada Visoko,
- Kopija Rješenja o odobrenju za upotrebu izgrađenog poslovnog objekta u privredi broj: 04/1-19-4-26/22 od 26.05.2022. izdatog od Službe za urbanizam, stambene, geodetske poslove i katastar nekretnina Grada Visoko,
- Kopija Rješenja o odobrenju za upotrebu izgrađene dogradnje poslovnog objekta u privredi broj: 04/1-19-4-27/22 od 14.06.2022. izdatog od Službe za urbanizam, stambene, geodetske poslove i katastar nekretnina Grada Visoko,
- Kopija Rješenja o odobrenju za upotrebu sagrađenog pomoćnog objekta u privredi broj: 04/1-19-4-63/22 od 22.11.2022. izdatog od Službe za urbanizam, stambene, geodetske poslove i katastar nekretnina Grada Visoko,
- Kopija Rješenja o odobrenju za upotrebu sagrađenog poslovnog objekta u privredi broj: 04/1-19-4-82/23 od 14.02.2023. izdatog od Službe za urbanizam, stambene, geodetske poslove i katastar nekretnina Grada Visoko,
- Ovjerena kopija Rješenja o odobrenju za rekonstrukciju sagrađenog prizemlja sa nadogradnjom sprata poslovnog objekta u privredi broj: 04/1-19-3-97/23 od 09.10.2023. izdatog od Službe za urbanizam, stambene, geodetske poslove i katastar nekretnina Grada Visoko,
- Kopija Rješenja o vodnoj dozvoli broj: UP-1/21-3-40-001-4/23 od 06.02.2023. izdatog od «Agencije za vodno područje rijeke Save» Sarajevo,
- Kopija Izvještaja o monitoringu kvaliteta i kvantiteta otpadnih voda poslovnog objekta-prerada mesa «MAK GASTRO» Visoko, broj: 886/23, juni 2023., urađenog od «Inspekt-RGH» d.o.o. Sarajevo.
- Kopija Izvještaja o monitoringu kvaliteta i kvantiteta otpadnih voda poslovnog objekta-prerada mesa «MAK GASTRO» Visoko, broj: 73/23, januar 2023., urađenog od «Inspekt-RGH» d.o.o. Sarajevo,
- Izvedbeni projekat. vanjskih hidroinstalacija-poslovni objekat prerada mesa šifra: 106.VD.PER.XI/23, novembar 2023., urađen od «PERSPEKTIVA-INŽENJERING» d.o.o. Visoko (na uvid),
- Konačni izvještaj o reviziji projektne dokumentacije, novembar 2023., urađen od «ZAVOD ZA VODOPRIVREDU» d.d. Sarajevo (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-001-4/23 od 11.01.2024.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Pogon za preradu mesa izgrađen je u naselju Čekrekčije, grad Visoko. Pogon se sastoji od starog prizemnog objekta i novog objekta P+1.
- U pogonu se proizvode pileći i juneći doneri. Meso za potrebe proizvodnje se kupuje i to pileće u svježem stanju, a juneće smrznuto.
- Dnevno se u starom dijelu objekta preradi oko 4 t mesa i to 2 t u novom i 2 t u starom objektu.
- Tehnološke otpadne vode nastale prilikom pranja opreme, pribora, mašina i podova se prikupljaju sistemom slivnika i kanalizacione mreže i odvođe na tretman u taložnik, te u separator masti AT GREASE 2 l/s, proizvođača BORPLASTIKA. Ispust prečišćene vode je, preko okna za monitoring, u rijeku Bosnu.
- Snabdijevanje vodom je obezbijeđeno putem priključka na gradsku vodovodnu mrežu kojom upravlja JP «VISOKO» d.o.o. Visoko.
- Sanitarno-fekalne otpadne vode se, zajedno sa tehnološkim otpadnim vodama, odvođe na tretman u taložnik te u separator masti.
- Vanjske površine su od nasutog materijala.
- U vrijeme obavljanja uviđaja se radila nadogradnja sprata na jednom od objekata. Nadogradnja će se koristiti kao kancelarijski prostor.
- Na uvid su dostavljeni Izvještaji o monitoringu kvaliteta i kvantiteta otpadnih voda poslovnog objekta-prerada mesa «MAK GASTRO» Visoko, januar 2023., i juni 2023., urađeni od «Inspekt-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.
- Za predmetni objekta je ranije od ove Agencije ishodovano Rješenje o vodnoj dozvoli broj: UP-1/21-3-40-001-4/23 od 06.02.2023. sa rokom važenja do 19.12.2023.
 - Uslov naveden u tački 3.2. naprijed navedenog Rješenja je ispunjen, odnosno urađen je projekat vanjskih hidroinstalacija sa dopunom.
 - Radovi predviđeni projektnom dokumentacijom i definisani tačkom 3.3. Rješenja o vodnoj dozvoli nisu realizovani, odnosno nije izvršena ugradnja separatora masti odgovarajućeg kapaciteta.

Od ponosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 1/24), dopisom broj: UP-1/21-3-40-559-4/23 od 19.01.2024. godine zatraženo da dostavi detaljan dinamički plan ulaganja za realizaciju radova na ispunjenju tačke 3.3. Rješenja o vodnoj dozvoli broj: UP-1/21-3-40-001-4/23 od 06.02.2023. Podnosioc zahtjeva je dana 29.01.2024. putem mail-a, te dana 09.02.2024. godine lično dostavio traženi dinamički plan sa spiskom aktivnosti i mjera sa finsnsijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument koji je sastavni dio spisa je poslužio za definiranje uslova iz tačke 3.2. ovog rješenja.

Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju svih radova predviđenih dostavljenom projektnom dokumentacijom (Izvedbeni projekat vanjskih hidroinstalacija-poslovni objekat prerada mesa šifra: 106.VD.PER.XI/23, novembar 2023., urađen od «PERSPEKTIVA-INŽENJERING» d.o.o. Visoko) je 28.02.2025. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.2. dispozitiva.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH”, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka konstatuje se da je pravno lice «MAK GASTRO» d.o.o. Visoko ispunilo minimum uslova za izdavanje vodne dozvole za ispuštanje tehnoloških otpadnih voda u prirodni recipijent

sa lokacije objekta za preradu mesa u naselju Čekrekčije, grad Visoko, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-559-2/23 od 09.01.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju:

Rukovodilac sektora za izdavanje
vodnih akata —



Haris Ališehović, dipl.inž.građ.

Dostaviti:

- «MAK GASTRO» d.o.o.
Čekrekčije bb, 71300 Visoko
- AVP Sava, ISV-vodna knjiga
- sektor 50
- ⊙ sektor 40 – arhiva
- oglasna ploča – AVP Sava

P

